

性不復則心不盡不盡者喜怒哀樂未忘之謂也由喜怒哀樂變心為情發不中節情為主宰故心不盡若能於喜怒哀樂之中隨順皆應使雖有喜怒哀樂而其根皆亡情根內亡應之以性則發必中節而和理出焉如是則有喜非喜有怒非怒以至有哀樂非哀樂是謂盡心復性心盡性純不謂之天不可得也

元虛不動一真普發清淨妙通道在其始太一無窮吾入清淨之終始神仙之道清淨畢矣

元虛自然未嘗有動至於一真普發物物蒙賴清淨流通無有窮極知始無始知終無終由其太一故曰無窮若知有始則三際不斷苟不斷三際則過去為始始既已往見存為中中際不住未來為終終者未來觸事成三安得清淨必三際斷其始無始然後其終無終故曰吾入清淨之終始元始說先天道德經註解卷之五

无上內秘真藏經卷之一 洪八
顯道品

爾時
元始天尊遊行法界至靈解山八寶樹下七寶林中變諸色像顯奇特心殊光普照遍入微塵無量國土皆得惠潤無量眾生善能信向無量真仙了達大乘無量上士悟空非空無量中士解離存亡無量下士覺迷知反如諸法界具足莊嚴功德普薰自然踊見瑞相芬芳各自視絕諸他念無有漏想爾時

天尊告諸四眾及大弟子汝等所居嚴淨國土真藏法中無憂無惱斷生死際入大乘棘諸仙弟子聞是說已歡喜作禮上白

天尊久聞真藏妙經未曾觀音今日所說今日所聞歎希有法奇特難言不可思議唯願惠專決了真性愚蒙受潤自不覺知雖在真藏猶處漏塵身受末生五行各染滌情觸著逐觀色身智力不明云何願了

天尊答曰善哉善哉真藏深奧統攝衆經為法舟航濟沉溺苦功德深遠非可言譬諦聽

善思吾當為說衆兆異形趣情各別種種施為取捨紛紜皆為其實若如是者衆生無因無果無去無來亦無衆生亦無真道云何說衆生而云業果唯願大慈晚發愚蒙

天尊曰真藏法中衆兆本身非空非有非真非實衆生苦樂非空非有種種施為無非真非實非空非有見在衆生等天尊性非空非有未來衆生等天尊性非空非有過去衆生等天尊性非空非有云何有差而生分別無生無滅無因無果而為真果諸法名字大道施為但自思惟反看舊地諸善男子閉目諦聽須臾之頃忽見四方嚴淨國土獅子座下千葉蓮華散滿虛空衆仙妓樂無執數衆各各具足功德裝嚴不盈瞬間閉天光明大衆哽咽泣涕交流願我神尊開朗光明決重昏網

言詞未訖光明洞照非色象光非相好光大衆歡喜各自視地變為金樹為珠玉衆惡毒草悉成甘露諸來會衆慧力奇特一相無相等衆相故融淨自在無障礙故能轉換故以轉換故一切悉轉轉無所轉善男女等一

向師宗勿生異見起疑惑心謂無因果夫因果者不起本心以為妙因以無得故而為妙果所以者何心為善惡因意為善惡果心性寂滅無學無會謂之妙因意根不動善惡俱喪故名妙果智慧解脫無果無想因不礙果果不礙因因為道果果為道因因果一相一無所相真道寂滅滅無所滅進虛空故所以不起本心以為妙因以無得故而為妙果若依此法名為道行以不起為順通以無得為照寂通寂無二名發道行則無想無念無想無念不住生源源既忘三界果喪杜心滅意緣動俱寂名發道行道行絕空無心無意無覺無觀無波無動萬物同源是為真道思惟深達體解自然是朗內照通天徹地一切相盡究竟自在解脫無為是時大眾聞深法已悉會道真皆得解脫得解脫已得道心得道意得道眼得道聲得道香得道味一切悉通達復次仙靈童子從座而起伏地閉目上白天尊一切諸法皆具十二種印唯願大慈開演法藏令眾得明

天尊於是重告仙靈童子汝之所問廣大利益末代眾生聞便融寂變易果喪何以故悟道心者心如道心見諸種類無量眾生是非得失彼此分別皆是道心名為正印悟道意者意如道意一切眾生雜物之類是非得失顛倒分別一切不善皆是道意名為正印悟道眼者眼如道眼一切眾生種種諸見皆是道見名為正印悟道聲者聲如道聲一切眾生種種雜類禽獸之聲皆是道聲名為正印悟道香者香如道香一切眾生種種薰香皆是道香名為正印悟道味者味如道味一切眾生雜物之類種種臭香皆是道味名為正印此十二印者合為六印通印諸法名為一印說是法時仙靈童子復白天尊何故說十二印用非以為是

天尊告曰善哉善哉快問是義今當為汝分別解說譬如大醫觀諸草木皆入醫方種種方便救治疾病皆得差愈弟子尋師學諸道術三年欲成師故試之示病卧牀語學醫者我今患重須無用草與我服之病便得差若

不得者我今當死我有好馬隨意即到汝當馳之弟子受師之命裝飾駿馬縱情尋求隨意即到不盈旬日天下地上悉皆周普求無用草終不能得行泣歸家而啓師曰遍歷天下求無用草而不可得今當奈何師即蹙然而起語諸弟子我實不患故試汝耳汝今藥成堪能救物隨汝方便在外救疾得識病源悉皆是愈當知此經最為第一無上醫王以此證者悟法之人周遍虛空上至九天下通九地求覓非法之物了不可得當知悟十二印者神通無礙恬然寂泊等一無為爾時仙靈等眾聞此譬諭顯深法性皎然明了無復疑滯六根漏盡直至大乘入平等道座中徒眾銜荷而已於是仙靈等眾以偈頌曰
大慈廣顯無邊身 眾生普聞皆悟解

真藏與中千葉華 華飄遍滿諸國土
放光動地悉成金 平等大乘皆周普
性真微妙無形假 正印隨形終不覩
眾生卧地不知起 冥然長夜無依止
大師巧說方便慧 誘引群迷趣真理

大衆哀號皆哽咽 天閉光明絕情視
說此頌已上白

天專唯願大慈賜垂哀慈諸仙童子歡喜無
量一切衆生皆得利益壽命長遠無生無滅
悉悟大乘平等無礙各自具足光明晃曜非
可譬論於是諸仙童子還復初座諦聽善思

辨三寶品

爾時座中有童子名曰獨脫勇猛精進為衆
騰疑不審三寶為是道實法寶師寶為當衆
生分內自有三寶若分內無者一切衆生寧
神無所迷悶須絕轉增塵累何以故一切衆
生所有行行無量方便皆從內發若外有三
寶者即非分內既非分內即是無常愚蒙不
曉猶如醉人眠睡卧地而無動起唯願大慈
哀慈救護解除疑網令得開悟爾時

元始天尊聞是問已甚大歡喜即放五色光
明含笑而言善哉善哉汝大慈悲哀慈無量
為開未悟如是問者寧神大寂更莫外緣何
以故聽若不審法不深神微慮浮動為漏所
牽向云三寶為是道實法寶師寶為當衆生

分內自有三寶又復難云若外有三寶者即
非分內既非分內即是無常何以故復作此
疑夫三寶者貪嗔癡是何以故貪性寂滅塵
累無滌戒行不虧名為法寶嗔性不起不憤
外塵定無生轉是名師寶癡性無取無惱無
患慈通無礙是名道實此三寶者非內非外

非聲非色非香非觸非長非短示有三名寶
無三體非三非一是為真實真實不生不滅
無貪相無嗔相無癡相諸法自在清涼和雅
等一無為獨脫童子復白

天專大慈所說一一根中甚深法實下根衆
生愚癡障重雖有法實了不覺知長夜流轉
妄行邪道輪迴三界何由得曉

天專曰妄行邪道名為外求無返照力汝言
真實不滅湛然常存者但衆生流動動性常

一一一生中而無滌行但行方便善自思惟
方觀妙軌悟道不遠往古來今千賢萬聖悉
歸真道衆生業趣一一根中悉歸真道通滿
虛空業趣悉歸真道悟真道者進如朗日無
形無相無惡業趣無善業趣無貪嗔趣通滿

虛空無虛空趣悉歸真道無真道趣了了清
淨不失機緣諸根異趣各自歸本獨脫等衆
悚然毛豎上白

天專法體清淨顯三寶源不審三寶為是貪
嗔癡為諸根中各有三寶若諸根中各有三
寶不應顯三

天專曰向云示有三名寶無三體無三體故
云何指有三名一切衆生六情所趣四大運
為皆名三寶何以故諸根性空性無滌者無
滌者故名法實法實清淨各自在故名為

師寶法通無礙悉成就故名為道實一一塵
中名為三寶禽獸之中名為三寶魚鼈之中
名為三寶蟲蟻之中名為三寶草木之中名

為三寶三寶無量無邊不可思議諸善男子
勿泄漏心而遺三寶但自內思勤行供養巧

使心力直趣本源一念有虧諸根悉斷塵境
繫縛塞三寶源永絕真道雖在道中而迷不
識不識道故慧力不強而嬰苦惱諸善男子
諦聽善思於是獨脫童子歡喜無量而作頌
曰

天尊慈悲開寶藏 普施衆生甘露藥
一切根中皆受潤 自然無生受大樂
三毒性淨真寶門 智力慧力能排却
群迷曉悟大乘宗 蠢動昆蟲皆踊躍
廣說三寶通明路 一一塵中非譬論

真道究竟煩惱中 生生寂滅無來去
業相消融入性海 滌蕩無邊絕思慮
衆生不信三寶源 二心取捨懷猶豫
大師遍入五無間 纖介分毫無不被
殷勤勸請守心源 覺悟大乘歸一處

我等徒衆皆歡喜 慶此群迷得依止
大師畢竟無棄心 猶如父母視兒子
父母念子猶不恒 我師決定真可疑
說此頌已上白

天尊下仙微芳蒙沾惠潤宣示三寶究竟真
源微妙義趣歡喜踊躍不能自勝非是下愚
所能譬論顯其功德一切衆生皆蒙利益悟
三寶門入真藏道各各稽首而復本位

辨四真品
復次獨脫童子上白

天尊如上所說衆生身有三寶等一切法如
是說者衆生身中應有四真
天尊曰甚善甚善如汝所問一切衆生四真
爲本行動坐卧食息嬉戲皆依四真又問何
謂四真

天尊曰玄精妙氣爲四真變下通生冷氣非
冷熱氣非熱動氣非動靜氣非靜四氣虛寂
而無星礙無嗔無喜無貪無捨無去無來故
曰四真又問一切衆生悉具四真應無罪果
亦無業報修善行者應入地獄造惡業者應

生天堂如是說者悉壞因果斷衆生行而無
修通一切衆生智根淺薄聞如是者必生謗
心唯願慈尊願令悟解
天尊曰譬如有人行路拾得遺篋開篋視鏡
自見其影謂是篋主心地惶怖稽首而謝棄

之而去衆生迷惑捨真取偽棄本尋末亦復
如是又云修善行者應入地獄造惡業者應
生天堂如是疑者悉入地獄苦惱嬰身何以
故我願真者衆生性淨無染無著亦無天堂
亦無地獄諸法一相非因非果何壞之有衆

生肉眼終不自覺猶如盲人雖在日間日月
之下而竟不知日月光明何以故日光皎然
盲者不見衆生本性亦復如是行動坐卧常
相隨逐自無見者譬如室中宿有寶藏貧窮
愚絀終無見寶忽有明師地鏡占之自知有
寶鑿深四丈便即得寶廣作功德遍救衆生

皆得利益獨脫童子重白
天尊大慈廣遠譬論甚深今蒙利益諸疑頓
盡衆仙玉女各各受潤無量無邊皆得具足
功德圓滿爾時

天尊重告諸仙及善男女等真道非言非說
向雖譬論隨機爲顯何以故一切衆生淺根
微弱不可直說若直說者群迷倒惑轉生不
信若證法者非譬論說亦非直說隨法即證
遷入大乘入功德本入無所入證無所證獨

脫等衆復白
天尊衆生業行有精有麤有長有短諸行差
別云何得等若不等者譬論說之而非證法
亦非大乘云何有益譬如枝條風飄即動其
根安靜枝不離根根不離枝要須得根風飄

不動衆生不離大乘大乘不離衆生要須證入若不證者飄浪生死何由得止惡專譬論即非大乘云何及今衆生顛倒

天尊曰諦聽吾言分明爲說衆生行業有精有麤有長有短皆由業因證道果者無精無

麤無長無短又復難云譬論說者則非大乘云何反令衆生顛倒善男子莫著語言若悟

譬論說者無非大乘無非真實無非一相無非寂滅云何強生分別天尊於是而作頌曰

仙靈妙解真實性 訣問開宗悟衆生

衆生諸根本來淨 聾盲跛躄不能行

雖復方便多譬論 終歸內行絕恩情

真藏皎皎遍虛空 六根根中皆滿盈

三寶非爲三處顯 萬物性海皆等平

唯須巧積方寸力 日夜鑽求無堅硬

豁朗寂然證慈父 變化去來無有爭

惡蒙冥昧常卧地 不覺死生恒清淨

四真爲本成形象 衆生外求虛嗟詠

獨脫爲此而決疑 我今廣開諸法藏

一一塵中甘露藥 衆生慧解無惆悵

日日竟夜真君前 四魔永滅無尖障
三業究竟清淨果 萬法歸宗無有妄

天尊說此頌已告諸仙童子及諸大衆澄神真境慎勿外緣吾今分明解說開真法藏等一切法一一沙塵而爲真實衆生雜想而爲

真實衆生顛倒而爲真實真實性空不生不滅不一不異無去無來一切形質苦樂不同

種種業報皆悉真實不生不滅諸善男子勿生異見若得身相而有去來者是爲謗法是

爲滅法不見大乘衆生謗法者不信根中而有三寶不信去來而爲真實不信大乘而爲

根本不信衆生等天尊性不信諸法寂滅無相無因無果不信衆生從無量劫種種示形

而無生滅如此不信是名謗法是名毀法是名滅法法不可滅障法不見名爲滅法既滅

法已而得身相是爲生死輪迴不絕必墮地獄無緣得出諸善男子努力歸家勤行供養

慎勿外求而生謗法說是法時無量國土皆放光明同入真藏坐寶蓮華獅子白鶴散滿

虛空諸天伎樂無鞞數衆皆入真藏無有迫

迫不壞身相而爲真藏不壞身相遍滿諸國

不壞身相滿虛空界不壞身相不生不滅一

壞身相坐獅子座不壞身相出千葉華諸善

男子諦聽善思非離衆生而出相好非離衆

生遍滿國土非離衆生坐獅子座非離衆生

出千葉華非離衆生滿虛空界非離衆生有真藏實非離衆生見諸光明諸善男子勿生不信起疑惑心金口演說更無虛謬若有諱說讀誦此經修行供養功德甚重非可譬論皆得解脫一切衆生蠢動之類悉蒙利益真

仙童子歡喜受命稽首而去各還本所

无上內秘真藏經卷之一